

OKVIRNI SPORAZUM POGONSKO GORIVO

Zaključen dana 06.12.2019. godine u Sarajevu između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktor Tarik Smailbegović /u daljem tekstu: **Naručilac** /
i
2. **Petrol BH Oil Company d.o.o.** sa sjedištem u Sarajevu, Tešanjaska 24A, ID broj: 4200505350000, koju zastupa direktor Gregor Žnidaršič /u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke roba – pogonsko gorivo Ugovorni organ je Odlukom broj: 2493-2/19 od 26.11.2019. godine odabrao ponudu Dobavljača broj 157/19 od 20.11.2019. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku pogonskog goriva za potrebe KJU Dom za djecu bez roditeljskog staranja, prema tenderskoj dokumentaciji i ponudi Dobavljača.

Ovaj Okvirni sporazum važi od **01.01.2020. – 31.12.2020. godine** i predviđa se sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane će zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice u skladu sa uslovima definisanim ovim sporazumom i tenderskom dokumentacijom.

III. CIJENA

Član 3.

- Ukupna vrijednost ovog okvirnog sporazuma (bez PDV-a) iznosi : **10.280,00 KM**;
- Popust iznosi: **10,50 %**;
- Ukupna vrijednost ovog okvirnog sporazuma (bez PDV-a) i sa uključenim popustom iznosi: **9.200,60 KM**;
- PDV (17%) iznosi: **1.564,10 KM**;
- UKUPNA VRIJEDNOST/CIJENA okvirnog sporazuma (sa PDV-om) iznosi: **10.764,70 KM**.

IV. USLOVI PROVEDBE OKVIRNOG SPORAZUMA

Član 4.

Naručilac prihvata mogućnosti promjene cijena goriva u skladu sa zakonskim propisima u Bosni i Hercegovini i kretanjem cijena na svjetskom tržištu.

Dobavljač se obavezuje da će kod eventualne promjene cijena Naručiocu dostaviti elektronskim putem (e-mail ili fax) kopiju odobrenja izdatog od nadležnog Ministarstva o važećoj cijeni naftnih derivata (OPC obrazac) sa iste benzinske pumpe za vrijeme trajanja Okvirnog sporazuma dostavljen prilikom predaje ponude. Svaku promjenu cijene ponuđač je dužan prije dostave OPC obrazca najaviti 72 sata prije pisanim putem.

Član 5.

Dobavljač se obavezuje da će početi sa isporukom odmah po zaključivanju ovog Okvirnog sporazuma na zahtjev Naručioca.

Isporuka goriva će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku datom u ponudi Dobavljača.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku datom u ponudi Dobavljača, koji počinje teći danom dostavljanja ispravne fakture.

Dobavljač je saglasan da Naračiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

V. OBAVEZE I ODGOVORNOST DOBAVLJAČA

Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

Dobavljač je dužan u roku datom u ponudi izvršiti isporuku koja odgovara kvalitetu i roku upotrebe shodno važećim zakonskim propisima za predmetnu nabavku.

Za ispravnost i kvalitet isporučene robe odgovoran je dobavljač.

VI. OBAVEZE NARUČIOCA

Član 9.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VII. BJANKO MJENICA ZA OSIGURANJE IZVRŠENJA UGOVORENIH OBAVEZA

Član 10.

Dobavljač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti garanciju za uredno izvršenje ugovora / dobro izvršenje posla u formi bjanko mjenice u iznosu 10 % ukupne vrijednosti okvirnog sporazuma i rokom važenja u periodu od 01.01.-31.12.2020. godine, kao i mjeničnu izjavu u kojoj su navedeni bitni elementi mjenične izjave (naručilac, dobavljač, iznos, naziv postupka, rok važenja, potpis i ovjera dobavljača).

Član 11.

Dobavljač će garanciju iz Člana 10. dostaviti u roku od 7 dana od dana zaključivanja/obostranog potpisivanja ovog okvirnog sporazuma. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum smatrat će se apsolutno ništavim.

VIII. RASKID OKVIRNOG SPORAZUMA

Član 12.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

IX. RJEŠAVANJE SPOROVA

Član 13.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

X. SASTAVNI DIJELOVI OKVIRNOG SPORAZUMA

Član 14.

Sastavni dijelovi Okvirnog sporazuma su :

- Ponuda Dobavljača broj: 157/19 od 20.11.2019. godine.

XI. STUPANJE NA SNAGU OKVIRNOG SPORAZUMA

Član 15.

Ovaj Okvirni sporazum stupa na snagu danom obostranog potpisivanja.

Član 16.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

UGOVORNI ORGAN

Kantonalna javna ustanova Dom
za djecu bez roditeljskog staranja

Tarik Smailbegović
Tarik Smailbegović, direktor

Broj: 2654/19

Datum: 06.12.2019. godine



DOBAVLJAČ

(naziv dobavljača)

Zastupnik
PETROL
BH OIL COMPANY
d.o.o. Sarajevo

Zastupnik

Broj: 12-1147/19

Datum: 18.12.2019

Tarik Smailbegović